

Weh Wi Ga Fi Seh

Memba seh harikayn
seezn stil deh ya!

Tudeh Day, Novemba Da Stil Harikayn Seezn!

Wi welkom di mont a Novemba (Laad, soon dis 2023 yaa wahn en!). Dis da di mont wen wi selibrayt **Garifuna Settlement Day**. Dis da di mont wen pipi wid link tu Amerika selibrayt Tanksgivin Day. Dis da di mont wen **Sir Colville Young** selibrayt ih bertday! Da fi hihn 1973 risaach pahh di Kriol langwij wi taak weh mi set faiya eena sohn a wi fi staat op di Bileez Kriol Projek, weh tudeh day da paat a di Nashanal Kriol Kongsl—di Kriol Langwij Groop. Eena 2007 di fos edishan a di Kriol-Inglish dikshineri mi geh poblish. Eena 2013, di Nyoo Testiment eena Kriol mi geh poblish. Memba seh, yu ku dongload di dikshineri FREE aanlain (Jos googl *Belize Kriol dictionary* (OR) dikshineri). Ahn yu ku lisen tu ahn reed di Nyoo Testiment eena Kriol fu FREE. Jos goh tu di *Bible.IS* websait ahn chooz di Kriol wan.

Bot... memba seh ... tudeh day, **Novemba da stil paat a di Harikayn Seezn!** Bak eena fi mee ma day ahn eena fi mee day, Harikayn Seezn da-mi Joon tu Aktoaba. Bot tudeh day, da Joon tu Novemba. Laad, noh tu lang abak, wahn lee harikayn weda mi staat op fahn eena May sohnweh!

Harikayn Hati mi kohn eena Aktoaba.

Hurricane Hattie came in October.

**Harikayn Leesa mi jos kohn laas yaa 2022....eena Novemba! Chroo, da-mi erli
Novemba, bot memba di hoal mont a Novemba stil ku bring
harikayn tudeh day!**

Hurricane Lisa just came last year 2022 ... in November! True, it was early November, but remember that these days, a hurricane is still likely through the entire month of November.

Silvaana Udz, Ed.D. da fahn Bileez. If yu waahn tel shee bowt sohnting speshal fu put eena dis Kriol aatiki, eemayl: sudz142@gmail.com Vizit: www.nationalkriolcouncil.org